



Multa sunt Egregiaq̄ uirtutes, quibus præditus est Ill^{us} supremus Hispanorum Militum tribunus. D. IOANNES BRAVIVS DE LAGVNAS. Hinc mirum non est si à Principibus diligatur, a summis uiris colatur, et ab omnibus deniq̄, suauissime obseruetur. E quibus tamen Humanitas et Iustitia in primis enitit, partes eximia comitesq̄ illius, qua ornatus est bellica uirtutis. Harum autem uirtutum Ciuitas Laudensis se potissimum lætos fructus capere lætatur. Ita enim Milites, quibus præest, continet in officio et militari disciplina ut nemo Ciuium se unquam læsum iniuria arbitretur, sed summa tranquillitas et otium cõspiciatur; Quo quidem nomine, cum se Ciuitas plurimum ei debere intelligeret, cogitaretq̄, assidue quo officio, ac studio gratam se ac dignam eius benefi- cio præberet neq̄, ulla daretur alia facultas, qua suam apertius, et significantius uoluntatem declararet, decreuit tandem illi ciuitatem impartiri, et priuilegia deferre, quibus ciues ipsi fruuntur Laudenses. Quam licet significationem leuiorem eius erga se meritis esse non ignoret, cum in eo ornando ipsa se sum- mis eius ornet ornamentis, confidit tamen eam qualiscumq̄, est, illi uoluptati sibi autem præsidio, ornamentoq̄, futuram. Qua propter Nos Decuriones Præsidentes, regimini dictæ ciuitatis Laudæ Nostrum conciuem constituimus, et creamus et in numerum ciuium dictæ ciuitatis cooptamus dictum Ill^{um} Supremum Hispanorum, militum tribunum D. IOANNEM BRAVIVM DE LAGVNAS, cum omnibus et quibuscumq̄, honoribus commodis iuribus gratijs, exemptionibus, immunitatibus et prærogatiuis quibus primatis ciues ueri et originarij dictæ ciuitatis fruuntur et gaudent, et frui et gaudere noscuntur et possunt tam ex forma Iuris Ciuilis quam ordinum, et statutorum dictæ Ciuitatis. In quorū fidem et testimonium præsentis fieri, et dictæ Ciuitatis sigillo muniri iussimus. Dat. Laudæ die deci- mo septimo mensis Decembris M. D. C. X. I.

M. Mascius not. et cancl.



1611 ¹⁷/xii

N.
JS



Morbis 26 (123)

